

QUÆSTIO MEDICA.

CARDINALITIIS DISPUTATIONIBVS
manè discutienda in Scholis Medicorum, die Iovis 24. Februarii.

M. PETRO PERREAU, Doctore Medico,
Præsиде.

An Anglica præscribendi corticis Peruviani methodus explodenda?

I.

INTER præcipua Naturæ miracula numerari solet arbor, quæ nascitur in Peruviano Americani orbis regno amplissimo; vis ejus præcipua in cortice, qui à pluribus jam annis devecus est in Hispaniam, inde Romam ad Eminentissimum Cardinalem Joannem de Lugo, unde suam inivit celebritatem, quam prudentiores Medici longâ experienciâ edocti, jugibus recidivis & alienis periculis cauti, spretâ diu dolosâ illius corticis potestate, non parum obscurarunt. Verùm hanc nuperrimè multum adauxit, pristinumque splendorem cum fœnore restituit nova hujus exhibendi ratio à quodam Anglo excogitata, in eo quippè posita, ut ineunte quavis febre intermittente, prætermisso utriusque majoris præsidii, ac salutaris diætæ auxilio, merum hujus corticis virtute medicatum non semel, sed pluries, imò per unum aut alterum mensem hauriatur.

II.

CALOR præter naturam è corde in corpus effusus febris est, continua, intermittens; Illa

periculo plena ob insignem putredinem, quam intima celant præcordia; Hæc plerumque securissima, tum proprio fomite in primis sedibus procul à corde remoto, tum induciis, quas dat reparandis viribus necessarias, donec alio humoris motu, & novo quasi furore rursus excitetur, ruptoque quasi fœdere instauret prælium, repetatque brevioribus longioribusve intervallis, æstus instar marini, magno ac inexplicabili naturæ miraculo. Solet esse paulo diuturnior, & eâ ratione molesta ægris, qui tædio affecti, neglectis medendi præceptis, compendia quærunt, omnemque ponunt operam, ut à tot repetitis insultibus quàm citissimè fiant immunes.

II. I.

IN eam rem sese offert cortex Peruvianus, colore croceus, seu potius cinnamomeus, sapore amarus & subausterus, vi calefaciendi ac exsiccandi præditus, qui inpulverem tenuissimum, cum vino aut alio liquore, aut solidæ opiæ formâ assumptus, incantamenti ad instar, febrium intermittentium fugat accessiones; An quia tenuiorem humoris portionem discutit, crassioremve magis incuneat, & quasi reddit immobilem, ac quictis amantissimam? An verius incertâ adhuc ratione & abditâ in majestâte naturæ? Verum quibus cautionibus? Antè depleto ac repurgato corpore, cujus firma sint ac integra viscera, nec veteribus obdurata infarctibus, consulto prius Medico perito, qui prudenter capret occasionem, (quæ superba res est, nec unquam tulit se negligi.) Hanc definient aut vires febris diuturnitate plurimum attritæ, vixque ejus

ferendis insultibus pares, aut accessionum caput impetentium effrenata vis ac incurfio, earumque ſemper efferatior maximo vitæ discrimine recurſus. Hæc ſunt momenta, quibus tota ſplendefcit hujus pulveris gloria: Hi ſunt præſcripti hujus imperii limites, quos ille nuſquam debet egredi.

I V.

UNA Medicorum omnium conſentione ſplendidi hujus febrifugi vim & poteſtatem negant febres continuæ ſolis artis Medicæ legibus ſubjectæ, quas nuſquam impunè violarunt. Numquid pariter præſtat ſinere, ut illæ quæ intermittunt, ab omni periculo liberæ, nondum diuturnitatis moleſtias expertæ, nec terrificis illis exitioſiſque ſtipatæ ſymptomatis, placido ac inoffenſo curſu ſuam abſolvant hiftoriam, ac optatiſſimo eventu conquieſcant ſalutaribus majorum noſtrorum præſidiis, quàm dubia per compendia vim naturæ morari ac diſtinere, umbramque dūntaxat & imaginem curationis conſectari? Quid aliud lucratur tota hujus pulveris efficiencia, quàm hæſitationem quamdam ac moram; Dat, fateor, naturæ inducias, ſed fallaces; Pacem ſimulat, ut bellum periculoſius inducat; Latet aliquandiu venenum, ut poſtea crudeliuſ sæviat.

V.

SANE graviter errant, qui hujus inſidioſi pulveris operâ, deſpectis potiſſimū majoribus artis Medicæ remediis, ſuam ſecurè depulſam credunt agrotationem, ſimiles illis qui incedunt per ignes ſuppoſitos cineri doſo, aut qui viciffe putant in cauſâ, dum vadimonium diſtulcrunt: Vivit ſubci-

neribus duplex reversuri mali fomes, empyreuma omnibus vitæ functionibus infensum, & præpostera illa vivendi licentia novis incendiis occasionem præbens, derelictâ totâ ferè febris materiâ, quæ denuò putredinem contrahit non vulgarem recursuri morbi gravioris parentem. Valeat ergo, nec tam magnificè prædicetur, infida illa ac compendiaria curatio, quæ quadam recti verique specie, ægrotos interdum opprimit, fallit assidentes, ludit & Medicos incautos, earum maximè febrium, quæ omnis securæ periculi, dum juxtâ veterum documenta pedetentim solvuntur, solent esse præsidio, & sapius ægros à magnis morbis vindicare: Exulet prorsus insolens illa hujus præscribendi pulveris norma, solâ fordidi lucri cupidine parta, totque immeritis celebrata præconiis; Quò crebrius ille præsertim mero dilutus assumitur, eò citius genitalem partium succum depascitur; labem ipsis inurit tempore & opere plurimo eluendam vitamque ipsam reddit longè breviorē.

*Ergo Anglica præscribendi corticis Peruviani methodus
explodenda.*

Proponēbat Parisiis JOANNES DAVAL,
Augæus, Baccalaureus Medicus. A. R. S. H. 1684.

Apud Franciscum Muguet, Regis & Facultatis Medicinæ
Typographum.